

# Podemos Ames

**PROGRAMA ELECTORAL MUNICIPAIS 2023**

# PROGRAMA ELECTORAL PODEMOS AMES

## ÍNDICE

INTRODUCCIÓN.....	3
ECONOMÍA E FACENDA .....	8
EMPREGO.....	11
MEDIDAS PARA O RURAL.....	13
TRANSPARENCIA, PARTICIPACIÓN E SERVIZOS PÚBLICOS.....	16
XUSTIZA SOCIAL E DEREITOS DA VECIÑANZA.....	19
COOPERACIÓN INTERNACIONAL.....	21
SANIDADE.....	22
DEPORTE.....	23
EDUCACIÓN, CULTURA E LINGUAXE.....	26
TURISMO.....	32
IGUALDADE.....	33
MOCIDADE.....	38
URBANISMO E ACCESIBILIDADE.....	39
MOBILIDADE.....	43
MEDIO AMBIENTE.....	45
DEREITOS E DEFENSA DOS ANIMAIS.....	50

## INTRODUCCIÓN-----

A través deste documento presentamos o programa electoral coas propostas que Podemos Ames ten para este Concello.

Conscientes da importancia do municipalismo, posto que é a primeira porta de entrada ao estado de benestar, por ser a administración máis próxima para os veciños e veciñas, temos que propor medidas certas que poñan en valor ao Concello, como xestor dos servizos públicos que debe prestar á cidadanía.

Podemos Ames asumiu unha grande responsabilidade no ano 2015, cando nas súas primeiras eleccións municipais e baixo a fórmula de unha agrupación veciñal denominada Contigo Pódese, acadou tres concelleiros e logrou formar o primeiro goberno tripartito neste Concello, fórmula que se repetiría no ano 2019, coas dúas concelleiras que alcanzou, a través da coalición electoral Contigo Podemos; precisamente este apoio da veciñanza amesá é o que fai posible que neste 2023 teñamos a forza para continuar co noso proxecto para Ames, presentándonos por vez primeira como o que sempre fomos e sen complexo algún: **PODEMOS AMES**.

Desde a nosa formación política temos claro que o bipartidismo e as maiorías absolutas xa non son modelos axeitados para un Concello como o de Ames, porque a cogobernanza é a fórmula máis

idónea para avanzar nunha democracia efectiva, que implica un traballo colaborativo, uns procesos de escoita, de diálogo e de consensos que terminan creando políticas que melloran a vida da xente, cubrindo as súas necesidades e prestando os servizos demandados.

Con todo, temos claro o modelo de Concello no que queremos vivir, un que sexa aberto, transparente e participativo; que sexa feminista, diverso e accesible; que sexa sostible medioambientalmente e que avogue pola xustiza social.

A política ten que ser transversal, por ese motivo as nosas actuacións irán sempre destinadas a favorecer a igualdade, a protexer o medioambiente, a coidar á veciñanza e a fomentar a súa participación.

Precisamente, a **participación cidadá** é unha das pezas claves do noso proxecto, por iso pretendemos retomar os orzamentos participativos, algo que necesita o rural e a nosa mocidade, para que sexa xustamente a xente a que decida onde destinar parte do diñeiro público e os servizos que consideran necesarios e que doutro xeito tal vez non se chegarían a prestar. Pero se falamos de participación, a nosa maior responsabilidade é fomentar que a veciñanza estea presente de xeito activo na vida pública local e que

exerza os seus dereitos xa recollidos no Regulamento Orgánico de Participación Cidadá do Concello de Ames.

Outro dos eidos no que é indispensable a participación cidadá é no tocante ao medioambiente, temos que favorecer a colaboración entre as institucións e a veciñanza para fomentar o consumo responsable entre a poboación, mellorando así a resiliencia do noso Concello, porque os recursos dos que dispoñemos son finitos e é preciso mudar o sistema de vida que coñecemos para loitar contra o cambio climático e preservar o planeta.

Ademais da participación, a **transparencia** é imprescindible, de feito, precisamente nesta última lexislatura correspondíanos levar a Concellería de Transparencia e logramos colocarnos como o Concello máis transparente de toda Galicia e o 96 de España, segundo a avaliación feita por Dyntra, un portal de observación social da transparencia e da ética pública. Polo motivo anterior, seguiremos traballando para estar á vangarda da transparencia porque iso é o que demanda a sociedade actual e porque é tamén un dereito da veciñanza o acceso á información pública.

Somos un Concello que se adapta con normalidade aos novos tempos, por iso as nosas políticas teñen que estar para dar respostas inmediatas e actuais, e se falamos de Ames, falamos de conciliación e de coidados. A **igualdade** é o motor da nosa

candidatura, somos tres mulleres as que damos un paso adiante para asegurar a participación da muller na política, alonxadas das listas cremalleira e convencidas da necesidade da transversabilidade da igualdade en todas as áreas de goberno. O noso compromiso firme contra a violencia de xénero, contra o acoso e contra a lgtbifobia farán deste un territorio inclusivo, conciliador e feminista libre de violencias.

Outra das cuestións que queremos abordar é a **saúde emocional** porque é fundamental desenvolver a nosa vida cotiá con tranquilidade e motivación para facer fronte as tensións normais do día a día sen sentirnos superados e poder relacionarnos cos demais de forma satisfactoria, e iso non é algo que dependa só das persoas, tamén é unha responsabilidade das administracións o posibilitar mecanismos que permitan a cidadanía convivir, compartindo espazos de forma segura e contribuir ao apoderamento da comunidade fronte ao illamento social.

O municipalismo é trascendental para impulsar políticas públicas saudables e para iso precisamos reforzar redes e alianzas de gobernanza local; tanto a cidadanía como os profesionais da saúde e os representantes políticos temos que involucrarnos na construción de estratéxias comúns para a saúde do noso Concello, mellorando o benestar da veciñanza e diminuindo as desigualdades na saúde.

En definitiva, as nosas políticas van destinadas a facer de Ames o Concello que se merece a xente do común , un Concello dinámico, aberto, transparente, inclusivo, feminista, respectuoso co medioambiente e con un alto grao de xustiza social. Un Concello no que os seus representantes sexan conscientes das demandas da veciñanza, no que a distancia entre a sociedade e as institucións sexa inexistente, no que se renuncie aos personalismos e aos egos que crea ese desentendemento da xente polo escenario político; un escenario que nos afecta a todas nós, no noso día a día. É preciso para elo traballo,coherencia, xenerosidade e uns valores éticos sólidos.

Nestas eleccións municipais de 2023 seremos esa forza coa **valentía para transformar**, porque cando falamos de crear un futuro, os concellos son ese primeiro chanzo que toca subir para dotar aos nosos municipios de servizos de calidade, onde os mesmos sexan un dereito e nunca un privilexio.

# ECONOMÍA E FACENDA-----

Impulsar a **transparencia nas contas públicas**, para que a información económica sexa accesible para a veciñanza amesá e que exista unha asignación eficiente dos recursos económicos.

Dar **prioridade** na contratación, en consonancia coa lei de contratos do sector público, e máis concretamente no referido aos contratos menores, a aquelas **empresas ou autónomos con domicilio social no Concello ou na contorna**, para a execución de obras xestionadas por esta entidade local, asemade da compra e adquisición doutras subministracións.

**Posta en valor do futuro Mercado Municipal de Ames** e a súa Praza de Abastos e o mercado de produtos locais ou que permitirá potenciar a venda de produtos de proximidade mellorando a economía local.

Potenciar o **aproveitamento da zona rural**. Facilitar o uso das leiras privadas non utilizadas mediante a intermediación entre ofertante e demandante de chan agrícola e gandeiro.



Levar a cabo un **Plan de apoio ao cooperativismo**, ás Cooperativas Sen Fins Lucrativos (SAL), ás empresas de Economía Social e de Comercio Xusto, ademais de calquera fórmula de economía colaborativa e a pequena e mediana empresa. Este plan pasa por reducir a presión fiscal municipal e os trámites burocráticos, entre outras medidas.

A **tributación** municipal terá que seguir o principio de **proporcionalidade** para que precisamente as persoas con menos recursos se vexan beneficiadas polas respectivas bonificacións que lles correspondan según a súa situación o que fomenta a equidade e a progresividade da fiscalidade municipal.

Implementar **bonificacións** para persoas autónomas e PEMES que leven adiante actividades que impliquen unha mellora do noso entorno, como por exemplo: actividades en favor da saúde pública; actividades para a conservación e recuperación do patrimonio natural e cultural; actividades para o desenvolvemento do Turismo Sostible; actividades para o desenvolvemento do sector Loxístico e do Transporte; actividades de Investigación, Desenvolvemento e Innovación; entre outras.

Crear unha **Taxa** por **Utilización Privativa** ou Aproveitamento Especial **do Dominio Público Local** das

Instalacións de Transporte de Enerxía Eléctrica, Gas, Auga e Hidrocarburos.

Modificar e **flexibilizar os criterios** que impiden acceder ás familias con máis dificultades económicas a prestacións ou servizos públicos por ter débeda municipal, establecendo unha alternativa que teña encaixe na lei de subvencións.

Coordinar con outras administracións o **tratamento das débedas adquiridas por familias** que actualmente teñen unha precaria situación económica e que lles impide o acceso a prestacións ou servizos, para o aprazamento e/o pago parcial en base ás circunstancias socioeconómicas das familias coas devanditas obrigacións.

# EMPREGO-----

Potenciar o servizo de **Formación de Emprego** para a reactivación laboral e a mellora da empleabilidade da veciñanza amesá.

**Fomentar a contratación privada e os contratos de longa duración** e dos colectivos máis discriminados: xuventude, maiores de 52 anos, entre outros.

Crear **Plans de empregos “rurais”**. Derivar recursos para facilitar a posta en marcha de proxectos xeradores de emprego estable, con valor engadido e sostible ecoloxicamente.

Promover os **Centros Especiais de Emprego** destinados a persoas con discapacidades ou especiais dificultades de acceso ao traballo.

Potenciar medidas de **apoio á inclusión social das persoas con discapacidade en contornas laborais** abertas, inclusivas e accesibles, así como para a súa promoción e desenvolvemento laboral en igualdade de condicións.

**Subvencións**, compatibles con outras das distintas administracións, para xente autónoma ou PEMEs que inicien actividade na noso Concello.

Elaboración dun **censo de produtores locais** ou comarcais para coñecer a autosuficiencia da nosa contorna e traballar para mellorar a nosa resiliencia.

# MEDIDAS PARA O RURAL-----

Realización das obras de **saneamento no rural**.  
Compromiso de acometer as actuacións necesarias que demanden as distintas parroquias no tocante a saneamento, abastecemento, alumeado, e arranxo das mesmas onde fose preciso.

Establecer un **Plan de mantemento e limpeza de camiños** e estradas no rural en colaboración coa veciñanza.

Continuar co **Plan de Prevención de Incendios Forestais** para seguir creando faixas de seguridade no noso Concello coa plantación de diversas árbores autóctonas, apostando deste xeito, por unha política activa de prevención contra os lumes, dando valor ao monte e obtendo beneficios coa mellora da biodiversidade.

**Fomentar nos nosos montes outras actividades**, secundando a repoboación con frondosas como poden ser as explotacións conxuntas con cultivos de setas ou/e froitos do bosque.

Aplicar dentro das competencias municipais, e exixíndollo a Xunta de Galicia, a lei 45/2007 de **Desenvolvemento Sustentable do Medio Rural**.

Garantir o dereito a que os **servizos no medio rural sexan accesibles** ás persoas con discapacidade e as persoas maiores.

Promover **servizos e apoios para as persoas con discapacidade no medio rural**, involucrando ás entidades sociais e axentes locais, impulsando o desenvolvemento rural inclusivo e as novas oportunidades de emprego e actividade económica vinculadas aos coidados.

**Acondicionamento e melloras dos Locais Sociais** para o uso e disfrute da veciñanza para a promoción de actividades que eviten o illamento social, potenciando e protexendo os lazos entre a cidadanía.

Exixir ás administracións competentes o **acceso á fibra óptica** nas parroquias que aínda non dispoñan deste servizo que consideramos indispensable para favorecer a vida no rural.

Impulsar a **creación de grupos locais de produción e consumo campo cidade**. Creación dun programa municipal de

apoio para á creación de grupos locais de produción e consumo de alimentos nos que se cren relacións estables de colaboración e intercambio directo, dándolle pulo ao futuro proxecto da implantación do Mercado Municipal de Bertamiráns.

**Impulsar o transporte escolar ás Escolas Infantís de 0 a 3 anos nas zonas rurais.** Aseguraremos o dereito ao transporte para as nenas e os nenos dos núcleos rurais de 0 a 3 anos, do mesmo xeito que no resto de tramos educativos.

# TRANSPARENCIA, PARTICIPACIÓN E SERVIZOS PÚBLICOS-----

Continuar sendo o **Concello máis transparente de toda Galicia**, seguindo cos traballos de mellora e mantemento do Portal de Transparencia do Concello de Ames, publicando de forma activa a información máis relevante de maneira periódica, actualizada, clara, veraz, obxectiva e fácilmente accesible.

Garantir que a información subministrada ás persoas con discapacidade, sexa nos **formatos adecuados**, de xeito que lles resulten accesibles e comprensibles conforme ao principio de accesibilidade universal e deseño para todos e todas.

Creación da **Comisión Especial de Transparencia e Bo Goberno**, como mecanismo de control, seguimento e avaliación do Código ético e de Bo Goberno do Concello de Ames.



Retomar os **orzamentos participativos**. Unha parte dos orzamentos municipais serán elaborados para proxectos nos que participen os colectivos e asociacións dos concellos e a súa veciñanza.

Promover **Consultas Cidadás**, xa sexa desde o propio Concello ou desde a sociedade civil, para solicitar a opinión sobre asuntos de especial relevancia.

**Impulsar os órganos consultivos e de participación cidadá** para que a veciñanza interveña de xeito activo na vida política cotidiá, e en particular, nas sesións plenarias do Concello, tal e como o establece o Regulamento Órgánico de Participación Cidadá do Concello de Ames.

**Potenciación das redes sociais** para achegar ao público as actividades da corporación e das distintas agrupacións políticas con representación neste Concello, procurando o impulso da accesibilidade de páxinas web e aplicacións móbiles ás persoas con discapacidade.

Continuar coa senda do estudo da **remunicipalización dos servizos públicos** máis significativos para a veciñanza amesá, priorizando o xa avanzado proceso do ciclo integral da auga, ao tempo que impulsar novos servizos como o **Centro de Día** para os

nosos maiores, complementando o Servizo de Axuda no Fogar que tamén podería ir aumentado en número de usuarios e horas de prestación.

Garantir a **participación de organizacións representativas de persoas con discapacidade e das súas familias** na elaboración, execución, seguimento e avaliación das políticas de ámbito local que afectan as persoas con discapacidade.

# XUSTIZA SOCIAL E DEREITOS DA VECIÑANZA-----

Flexibilizar o **acceso aos recursos en situacións críticas.**

**Loitar contra novas formas de adicción.** Nos últimos anos, as adiccións relacionadas co xogo, os casinos ou a compra en liña aumentaron exponencialmente, afectando especialmente a poboación nova.

**Fortalecer os servizos de capacitación** que den continuidade á atención temperá ata o cumprimento da maioría de idade, fortalecendo os apoios especializados que cada neno/a ou mozo/a con discapacidade poida requirir.

Promover, tendo presente a perspectiva da infancia, servizos e **medidas de apoio ás familias e persoas coidadoras, o relevo xeneracional no apoio a familiares con discapacidade,** considerando o impacto de xénero nos coidados.

Potenciar o desenvolvemento de servizos e apoios para favorecer que as **persoas con discapacidade** maiores permanezan no seu domicilio e contorna comunitario e sigan **participando activamente na comunidade** (envellecemento activo).

**Realizar un censo de vivendas baleiras** que permita coñecer a situación existente no noso Concello, así como cursar un requirimento á Xunta de Galicia e ao Goberno do Estado do censo de vivendas públicas no municipio, con información sobre as súas características, tipoloxía, estado e ocupación.

Promover o **alugueiro alcanzable**, facilitando o acceso á vivenda e creando unha bolsa que recolla ditas vivendas.

Incluír a **perspectiva de xénero na planificación** das políticas, deseño de procedementos e práctica profesional. En cumprimento da lexislación vixente en materia de igualdade entre mulleres e homes, incorporaremos a perspectiva de xénero na acción dos Servizos Sociais, dende a concepción do feminismo como compás democrático da noso labor municipal. Prestaremos especial atención á feminización da vulnerabilidade e a exclusión.

# COOPERACIÓN INTERNACIONAL-----

Desenvolver programas permanentes de sensibilidade na **solidariedade**, a cooperación e os obxectivos da axenda 2030 en Colexios, Institutos e en Asociacións Veciñais.

Dotar adecuadamente as **axudas de emerxencia** e na medida do posible, dispoñer de vivendas para persoas perseguidas e refuxiadas polas súas ideas políticas nos seus países de orixe, que estean á espera de asilo político.

Contemplan nas **subvencións** a proxectos de colaboración das ONG a necesidade de que ditas organizacións teñan sede e, sobre todo, actividade, no noso Concello.

# SANIDADE-----

**Concellos libres de tabaco**, aplicando as leis e facendo campañas para concienciar á poboación.

Desenvolver iniciativas de **promoción de hábitos saudables**, charlas, conferencias e actividades.

Levar a cabo medidas que incidan na **saúde emocional** da veciñanza, promovendo actividades que eviten o illamento social, potenciando e protexendo os lazos entre a cidadanía e elaborando programas de acompañamento onde a convivencia e a interacción permitan tecer redes sociais evitando así a soidade.

Esixirlle á Xunta unha **xestión eficiente das listas de espera** na sanidade pública.

Controlar que as **instalacións sanitarias** do Concello sexan suficientes, estean en bo estado e contén coa ratio necesaria de persoal.

Ampliación e mantemento regular dos **bioparques e as sendas saudables**.

# DEPORTE-----

Apoiar as distintas **escolas municipais**.

Elaborar un **Plan Integral da Promoción da Actividade Física e do Deporte**.

Acurtar os prazos e axilizar a xustificación de **subvencións** e axudas para os clubs deportivos do Concello que participen en competicións oficiais.

Plan de choque de posta a piques dos equipamentos deportivos municipais e impulso do complexo deportivo no Milladoiro, á vez que a realización dun **Plan Director de Instalacións Deportivas Municipais**.

Fomentar os **deportes mixtos e inclusivos** nos centros escolares e nas Escolas Deportivas.

Promover a **participación das persoas con discapacidade no deporte**, tanto en modalidades federadas, organizadas ou de competición , procurando o seu desenvolvemento en espazos comunitarios con condicións de accesibilidade universal e promovendo o deporte como fonte de benestar para todas as

persoas con discapacidade (en especial, as persoas con discapacidade con grandes necesidades de apoio), asegurando condicións de accesibilidade universal nos recursos, instalacións e contornas comunitarios, facilitando opcións e alternativas, e o desenvolvemento de redes sociais que o motiven e propicien.

Impulsar o **Consello de Deporte** como espazo de participación e relación entre os diversos axentes e actores do sistema deportivo co fin de ter en conta as voces, demandas e necesidades da cidadanía.

Desenvolver campañas de **concienciación cidadá** para promover e difundir a práctica de exercicio físico con seguridade nas instalacións deportivas e o seu respecto e coidado para un uso responsable das mesmas.

**Programación estable de talleres** de ximnasia terapéutica, de tai chi chuan, yoga e meditación, posto que estas disciplinas son moito máis que unha práctica deportiva.

Fomentar **campionatos** tanto a nivel local coma rexional de deportes varios: fútbol, baloncesto, balonmán, ximnasia, taekwondo, boxeo, natación, triatlón, patinaxe, atletismo, xadrez,...



Fomentar a **igualdade no deporte** e a creación de escolas e ligas mixtas dende o deporte base.

Creación de un **circuíto de carreiras específico** para deportes como bici-cross, moto-cross ou/e quads.

Creación de **pistas de voleibol praia** que permitan levar a cabo competicións tanto de categorías base como senior.

**Cursos bonificados de actividades deportivas** para a terceira idade e outros colectivos con necesidades específicas.

Crear unha **maior oferta de actividade física para mulleres embarazadas e de postparto**.

# EDUCACIÓN, CULTURA E LINGUAXE-----

Potenciar a labor do **Consello Escolar Municipal** como órgano decisorio que mellora a calidade educativa no municipio

Impulsar formas de **participación do alumnado**, dotando de recursos ás asociacións xuvenís e estudantís.

Garantir as **axudas para a adquisición de material escolar** a aquelas familias que non se vexan beneficiadas polas partidas destinadas a tal fin pola Xunta de Galicia.

Apoiar ao alumnado e as familias en situación de risco de exclusión social con medidas como a creación dun **banco de libros universal e gratuíto**.

Mellorar, destinando recursos humanos e materiais suficientes, o **apoio ao alumnado e as familias con alumnado con diversidade funcional**. Este apoio farase extensivo ás organizacións que traballan con este alumnado.

Manter a correcta alimentación da poboación infantil, reforzando a rede de **comedores escolares** e facendo efectiva a utilización de produtos ecolóxicos.

**Apoiar a aqueles centros onde haxa maior número de alumnado migrante ou en risco de exclusión social** con maiores recursos económicos e actividades extraescolares e complementarias.

Elaborar un **plan de educación non formal** segundo as idades, necesidades e intereses do alumnado, integrando as disciplinas artísticas, musicais e culturais.

Impulsar **actividades educativas** en lugares de convivencia comunitaria como prazas, xardíns e parques infantís ao aire libre, aproveitando os recursos e equipamentos xa existentes con monitores que organicen e supervisen actividades de xogo.

Desenvolver **programas de formación en materia de atención á diversidade** en centros educativos e contornas laborais.

Promover prácticas de **educación inclusiva** en todos os centros educativos, así como as experiencias colaborativas, de

aprendizaxe compartida e intercambio de coñecemento entre os centros de educación ordinaria e os centros de educación especial, así como os resultados obtidos no seu desenvolvemento.

Seguir potenciando as **Escolas Unitarias** e o seu modelo educativo.

Estudar a posibilidade da posta en funcionamento dunha **Escola de Idiomas**.

Establecer programas de **educación permanente**, en diversas áreas, para persoas maiores de 60 anos.

Melloras nas **Bibliotecas Municipais** no tocante ao aumento de fondos renovados, de medios de lectura para persoas con problemas visuais e dotación de material en braille, a ampliación de medios informáticos e de fondos de consultas infográficos e a promoción de actividades de hábitos da lectura tanto na sección adulta como na infantil.

Manter unha oferta variada de **eventos culturais** tales como concertos, teatro, cine, exposicións, obradoiros das distintas áreas e para toda a poboación.

Implementación e **impulso das áreas das letras e das ciencias** nas súas modalidades.

Darlle o impulso que precisa ao **Consello Sectorial da Cultura** como ente de participación e representación de todos os axentes interesados no ámbito da cultura en Ames que poderá deseñar as políticas culturais municipais e articular a medio-longo prazo as liñas mestras ou eixes estratéxicos do modelo cultural que pretendemos ter neste municipio.

Comprometerse de modo inequívoco coa **paridade de xénero** efectiva en todas as esferas da programación cultural municipal.

Implementar en todos os eventos culturais públicos ou subvencionados dun **protocolo de boas prácticas** que garanta a estrita transparencia e a sustentabilidade.

Implementar accións de **simplificación administrativa** e mellora regulatoria que faciliten e promovan feiras, eventos, exposicións e a comercialización dos produtos e servizos turísticos, culturais e artesanais, baixo os principios de legalidade e equidade.

**Asegurar o acceso das persoas con discapacidade aos bens culturais** eliminando as barreiras de accesibilidade físicas, sensoriais, comunicativas e cognitivas.

Promover medidas específicas para garantir o **acceso e a participación nas actividades culturais**, así como potenciar o desenvolvemento e a contribución do potencial creativo, artístico e intelectual das **persoas con discapacidade** e a súa participación na creación das políticas culturais.

Crear un **banco de saberes tradicionais ou de memoria local** que nos permita manter as nosas tradicións e costumes e trasladalas de xeración en xeración.

**Promover o uso do noso idioma en tódolos ámbitos** tanto institucionais como nos actos de pé de rúa. Maior dinamismo na área de normalización lingüística do noso Concello.

Garantir **orzamento** municipal suficiente para o desenvolvemento de unha ampla actividade cultural.

Organización de **actividades para a mocidade** nas que se empregue o galego como lingua vehicular.

Facilitar **recursos en galego** para o seu uso por parte do comercio e da hostalería locais.

Creación de **cursos para a veciñanza de Linguaxe Oficial de Signos** (LSE e LSG) e de Braille.

# TURISMO-----

Mantemento e creación de  **rutas de sendeirismo**  e outras actividades ao aire libre xunto con rutas guiadas polas principais zonas turísticas e visitas aos monumentos arquitectónicos do noso Concello e contorna.

Fomentar o  **Camiño de Santiago**  nos tramos que atravesan o noso Concello

**Regular os pisos turísticos**  con obxecto de preservar o uso residencial nas áreas centrais do Concello.

Apostar polo  **turismo inclusivo,**  mellorando a accesibilidade aos recursos turísticos do Concello.

Fomentar a política de atracción de congresos, experiencias gastronómicas e eventos deportivos para favorecer a  **desestacionalización do turismo.**



# IGUALDADE-----

Garantir un orzamento adecuado para **loitar contra a violencia machista** e dotacións específicas para as vítimas da mesma. Formación e cursos informativos nas escolas e institutos e demais centros ou agrupacións que o soliciten. Deseño e creación de campañas de concienciación.

Instaurar a **paridade no Concello** e dentro das posibilidades que sexa posible, a contratación que esta corporación faga no tocante a persoal.

Fomentar **políticas de igualdade**: apoio as asociacións de mulleres, axudas a entidades sen ánimo de lucro para o fomento da igualdade e incentivar plans de igualdade nas PEMEs ou plans de emprego e emprendemento por parte da corporación municipal.

**Favorecer medidas de conciliación** nos convenios colectivos.

Incrementar os **recursos habitacionais alternativos** para as mulleres en situación de violencia de xénero e para as súas fillas e fillos.

Desenvolver un **plan de axudas á vivenda** para as vítimas que favoreza a súa autonomía.

Elaboración dun **programa de atención especializada a familias monoparentais**, encabezadas maioritariamente por mulleres e en moitos casos en situación de precariedade.

Garantir a **perspectiva de xénero** e a aplicación de informe de impacto de xénero en todos os procedementos municipais. En cumprimento da lexislación nacional e internacional vixente, o Concello incorporará a perspectiva de xénero e terá en conta o seu impacto en todos os procedementos e proxectos municipais.

Crear un **Programa de fomento da corresponsabilidade familiar**. En colaboración cos centros escolares e coas administracións implicadas, desenvolveremos un programa que axude ás familias do Concello para ocuparse de forma corresponsable da crianza e os coidados.

Desenvolver un protocolo para a **concesión do título habilitante de vítima de violencia de xénero**. En cumprimento co Convenio de Istambul e o Ditame do Pacto de Estado en Materia de Violencia de Xénero, os concellos desenvolverán un protocolo para a concesión do título habilitante

de vítima de violencia de xénero para aquelas mulleres que, sen atreverse a denunciar os malos tratos, poidan ser recoñecidas como vítimas da violencia machista e acceder aos servizos e prestacións municipais existentes.

Establecer **formularios non binarios** en toda a Administración municipal como forma de garantir os dereitos de identidade e expresión de xénero na relación da cidadanía coa institución municipal.

Traballar de xeito constante na **prevención da lgtbifobia** en centros educativos.

Instar a outras administracións e que este Concello tamén, na medida das súas actuacións así o faga, a:

- ➔ Implantación de **protocolos de Asistencia Social Integral** para as mulleres vítimas de violencia machista.
- ➔ Garantir a **aplicación das medidas recollidas na lei no tocante a violencia machista contra mulleres transexuais ou transxénero.**
- ➔ Garantir que as **mulleres con diversidade funcional poidan acceder en igualdade de condicións a todos os recursos de información, apoio e atención para vítimas de violencias machistas;** supresión das

prácticas de esterilización e abortos forzosos a mulleres por motivos de diversidade funcional; Impedir a retirada da custodia dos fillos por motivos de diversidade funcional.

**Impulsar a coordinación inter-institucional** entre todas as administracións e axentes que poden detectar ou atender as mulleres vítimas de violencias machistas.

Instaurar as medidas necesarias para a **erradicación do Acoso.**

Excluír os servizos municipais que atenden a situacións de prevención, intervención ou seguimento nos supostos de violencias machistas da **limitación da taxa de reposición de efectivos.**

Promover medidas de estímulo a iniciativas creativas que fomenten a **visibilización das persoas con discapacidade** nun rol activo e normalizado, sen estereotipos nin estigmatizacións.

Manter e fortalecer os **servizos de conciliación.**

Abordar o desenvolvemento normativo e actuacións necesarias para asegurar condicións, actuacións, medidas, apoios e reforzos para o **lecer inclusivo.**

Promover **redes comunitarias de sensibilización e apoio ás persoas LGTBI con discapacidade** e as súas familias.

Impulso de **programas de formación, apoio e acompañamento ás familias** (involucrando ás entidades sociais da discapacidade) que, tendo presente a perspectiva da infancia, promovan o desenvolvemento das habilidades e competencias adecuadas e aliñadas co enfoque de dereitos, e que contribúan a superar a sobreprotección, involucrándolles como aliadas para promover e potenciar a autonomía persoal, a participación, inclusión social e vida independente dos seus familiares con discapacidade.

Desenvolver **programas de formación e acompañamento integral a mulleres e nenas con discapacidade** para identificar e denunciar os actos de violencia que poidan sufrir.

**Promover programas e actuacións para o empoderamento das persoas con discapacidade:** coñecemento de dereitos e recursos, canais de denuncia, vías para exixir o acceso aos seus dereitos, información, asesoramento e acompañamento, etc.

# MOCIDADE-----

Involucrar á mocidade na política local mediante a **participación**, fomentando orzamentos participativos específicos para levar adiante as actividades demandadas por eles mesmos.

Crear o **Consello sectorial da Mocidade** para que sexan os mozos e mozas do noso Concello os que teñan poder de decisión sobre os asuntos do seu interese e dinamicen o desenvolvemento das políticas específicas e a participación da xuventude en Ames.

Ampliación de **espazos destinados á mocidade**, para que dispoñan deles e dunha programación de actividades de forma estable durante todo o ano.

**Fomentar actividades** de voluntariado, cooperación, interculturalidade, autoemprego obradoiros, entre outros, co obxectivo de involucrar aos mozos e mozas nas diferentes áreas, artísticas, deportivas, culturais ou de desenvolvemento persoal que lles permitirá aprender novas habilidades e **comprometerse coa comunidade**.

# URBANISMO E ACCESIBILIDADE-----

**Impulsar a Axenda Urbana do Concello de Ames,** para acadar os compromisos dos Obxectivos de Desenvolvemento Sostible (ODS) da Axenda 2030. Queremos que o crecemento do municipio sexa inclusivo, sostible e intelixente que proporcione á poboación servizos de maior calidade e de maneira máis eficiente optimizando o uso dos recursos dispoñibles; queremos potenciar un modelo de desenvolvemento con estratexias que establezan medidas integradas para facer fronte aos retos económicos, ambientais, climáticos, demográficos e sociais que afectan ao planeta.

Reacondicionamento das **zonas verdes** existentes e creación de novos espazos.

**Eliminación total de barreiras arquitectónicas** que dificultan o acceso ou percorrido a xente con mobilidade reducida, asegurando e mellorando as condicións de accesibilidade universal (física, sensorial e cognitiva) nos centros, recintos e lugares de uso público.

Plan de **reparación das carencias no rural** no tocante a servizos e subministracións.

Creación de un **banco de vivendas públicas** xestionado de maneira conxunta coa Xunta de Galicia.

Acondicionamento, mellora e creación de “**parques caninos**”.

Ampliación dos quilómetros de **carril bici** no Concello.

Terminación e aprobación da actualización do **inventario municipal**.

Creación dun **Inventario de Camiños** actualizado titularidade do Concello.

Impulsar e priorizar os proxectos destinados a **solución da problemática do tráfico na estrada N-550 polo seu paso polo Milladoiro**, dándolle solucións axeitadas a súa veciñanza para que non se lles xeren problemas engadidos coas solucións aportadas.

Ampliación, mellora e construción de zonas de **parques infantís** adaptados ás diversas franxas de idades.



**Evitar a recalificación** de solares ou equipamentos culturais públicos a chan edificable **para o enriquecemento privado**.

Apostar por un **urbanismo con perspectiva de xénero** co fin de mellorar a percepción da seguridade das mulleres no espazo público. Para elo é necesario o análise dende distintos aspectos:

- ➔ Iluminación: co fin de corrixir as zonas que por falta de luz ou por un menor tránsito poidan percibirse como perigosas.
- ➔ Mobilidade: Ampliando beirarrúas e revisando os elementos que inflúan na accesibilidade, favorecendo así os desprazamentos a pé en cadeiras de rodas, e outros medios alternativos.
- ➔ O espazo público como espazo social: ponderar as prazas e lugares de encontro, buscando Incorporar a perspectiva de xénero nos instrumentos de planificación das políticas de mobilidade na cidade, favorecendo os desprazamentos segundo das distintas realidades que conviven nela.

Priorizar a **recuperación do espazo público**, a mobilidade activa, os espazos verdes, a cohesión social e a saúde.

Seguir traballando para ser un **Concello con emisións cero**.

**Incentivar réximes de tenencia diferentes á propiedade e o alugueiro**, como son o alugueiro social, o réxime cooperativo ou o dereito de superficie.

**Promover a rehabilitación fronte á demolición**, o respecto cara ás tipoloxías urbanas e construtivas da contorna e a recuperación de edificios en desuso.

**Revisar o Catálogo Urbanístico** co obxecto de favorecer intervencións responsables que faciliten a reutilización e conservación do patrimonio e que melloren o grao de intervención sobre os mesmos.

# MOBILIDADE-----

Impulsar unha **movilidade sostible**, para o cal será fundamental continuar co proxecto do uso de transporte colectivo que permita conectar o rural e os dous núcleos urbanos do Concello.

Establecer **corredores ambientais** de dimensión metropolitana e cun alto valor ecolóxico, o que se poderá complementar co aumento dos kilómetros de carril bici no Concello.

Elaborar un plan de **enerxías sostibles e non contaminantes no transporte** e apostar pola enerxía de orixe sostible en todos os modos de transporte público. Renovación paulatina da frota de transporte público con vehículos híbridos, eléctricos ou de gas.

Poñer en funcionamento a **Oficina da Mobilidade**, con persoal propio e un orzamento suficiente.

**Mellorar as sinais viarias**, principalmente do rural.

Creación dunha **Oficina da Bicicleta** para xestionar un servizo de préstamo das mesmas e incentivar este medio de transporte.

Conseguir unha **movilidade sostible e inclusiva**. Consideramos necesario dar un papel máis activo ás persoas con discapacidade, para que poidan sinalar as prioridades e as propostas de execución á hora de desenvolver o Plan Integral de Accesibilidade.

Creación do **Defensor de peóns e ciclistas** como fórmula de mediación independente da cidadanía coa Administración local.

**Favorecer o comercio local e de proximidade**, os servizos descentralizados e os espazos culturais de barrio para reducir a necesidade de mobilidade innecesaria da cidadanía.

**Revisar a regulación semaforica, os pasos de peóns e o deseño de rúas** para avanzar cara a un deseño urbano que garanta a accesibilidade plena e segura a peóns e ciclistas.

Seguir demandándolle á Xunta de Galicia a **mellora da rede de transporte metropolitano**.

Manter **actualizada a información das rutas e horarios dos buses nasa marquesiñas**.

# MEDIOAMBIENTE-----

Elaborar e implementar un **plan integral de residuos** que permita cumprir de maneira rápida e eficaz cos obxectivos de redución de vertidos establecidos pola Unión Europea.

**Eliminar uso do plástico** no día a día das actividades e servizos municipais.

Facer **campañas de compostaxe de residuos**.

Implantar medidas divulgativas, de **sensibilización e control de emisión de residuos** para que os veciños colaboren e participen na correcta separación dos mesmos.

**Ampliar e reformar as depuradoras do municipio**, na actualidade inadecuadas e insuficientes. Instalación de novas tecnoloxías nas mesmas.

Avanzar cara a un modelo de **redución e eliminación do uso de enerxía procedente de combustibles de orixe fósil** nos contratos municipais.

Implantar programas e proxectos de **apoio a particulares e comunidades de veciños para a realización de estudos de mellora da eficiencia enerxética** e de realización das obras e instalacións adecuadas.

Elaborar un **mapa de ruídos do Concello** e elaborar un plan de acción para reducir o ruído, tanto na zona rural como urbana.

Priorizar a implantación nas instalacións e edificios municipais, de sistemas de **reutilización da auga para outros usos**.

Aumentar o esforzo en **educación ambiental** para escolares e persoas adultas incorporando a información porta a porta en colaboración con actores como as asociacións veciñais, ONG deste ámbito, etc.

Aproveitamento mediante actuacións de plantación de especies autóctonas dos montes municipais e dos montes mancomunados, buscando a **erradicación total dos eucaliptais** e axudando así nas **medidas preventivas** á hora de acabar cos lumes que azoutan os nosos montes.

Creación conxuntamente con outras administracións de liñas de **axudas directas paras as comunidades de montes** que o soliciten para destinar a proxectos de posta en valor de ditos montes e aproveitamento agro-gandeiros e forestais dos mesmos, sempre cumprindo coas normativas existentes.

Incentivar a **creación de instalacións e sistemas de produción que se encontren preto do noso territorio**, favorecendo así toda a economía que rodea a este tipo de instalacións.

Que tódolos edificios que sexan posibles teñan algún tipo de **instalación de enerxía renovable** (solar, eólica, xeotérmica...).

Instalación de **paneis solares para o subministro de enerxía no alumado público**, buscando progresivamente a implantación do 100% de dita enerxía na rede municipal e nas instalacións públicas do Concello.

**Instar** a Xunta de Galicia e ao goberno do Estado a **derrogación do Real Decreto 900/2015 de 9 de outubro de 2015**, e propoñer a aprobación de unha normativa na que:

→ A enerxía autoconsumida quede libre de calquera gravame.

- Que a enerxía sobrante e vertida ao sistema eléctrico sexa retribuída de maneira xusta por parte das empresas comercializadoras.
- Crear e dotar de vías administrativas para que os trámites burocráticos sexan áxiles e o máis sinxelos posibles.

Potenciar a **substitución paulatina da calefacción baseada en combustibles fósiles por enerxías limpas e renovables**. Fomentar o aforro e eficiencia enerxética. Promover a utilización de enerxías renovables en espazos municipais.

**Xestionar os espazos verdes con criterios de sustentabilidade ambiental e social**, mellorando a súa accesibilidade a persoas con diversidade funcional, persoas maiores e outros colectivos, e promovendo a práctica da xardinería sostible.

Iniciar a transición cara á **recuperación de auga de choiva para a rega dos espazos axardinados e fontes da cidade**.

Impulsar a transición cara á **utilización de compostaxe procedente da reciclaxe de residuos** nos nosos parques e xardíns.



## **Fomento da creación de comunidades enerxéticas**

(conxunto de cidadáns que se xuntan para producir a súa propia enerxía e consumila no seu propio entorno).

Favorecer a colaboración entre as institucións e as organizacións veciñais para **fomentar o consumo responsable** entre a poboación, mellorando a resiliencia do noso Concello.

# DEREITOS E DEFENSA DOS ANIMAIS-----

**Recoñecemento civil dos animais**, onde deixen de ser unha mera propiedade e se consideren parte da familia que son e que dado o caso, en situación de protección, non se poida obrigar as persoas a separarse dos seus animais.

**Promover sistemas de control ético de colonias de paxaros e de especies silvestres que habiten en zonas urbanas** e de calquera outra especie en caso de superpoboación, contando sempre con respaldo técnico veterinario oportuno.

Elaborar, coa participación activa das entidades especializadas, unha **ordenanza de tenencia e protección de animais**.

Estudar a forma correcta de introducir na vida municipal o uso de **pirotecnia sen son**, medida que beneficia á súa vez a outros colectivos.

Realizar un **control e manexo ético e responsable dos animais abandonados** no municipio.

Construír **cemiterios municipais de animais**.

**Maior apoio por parte do Concello coas protectoras de animais** e con outros entes gubernamentais que defendan os dereitos dos animais.

Instar dende o Concello ás administracións competentes a implementación de **métodos éticos e non letais para o control poboacional de animais silvestres** e adoptar medidas para evitar o comercio das diferentes especies animais, incluíndo as denominadas mascotas “exóticas” de acordo á lei.

Campañas de **fomento a adopción de mascotas**.

Campañas de **concienciación e civismo para que as nosas rúas e parques públicos estean libres dos excrementos** das nosas mascotas.



# VALENTÍA → PARA TRANSFORMAR

Podemos  
Ames